



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXXI. De Semine Verbi Divini.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

nem, de qua mulier antè dixit, & simul eam, quam
 Christus subiecit, faciendo Voluntatem Patris Cæ-
 listis, adipisci possimus. Qui enim facit Voluntatem
 Patris, atque adeò Christi Mater efficitur, ille Ver-
 tre Christum portat, quia implet illud monitum
 Pauli 1. Cor. 6. v. 20. *Glorificate, & portate DEUM
 corpore vestro.* Et cum Sponsa, velut fasciculum My-
 rhæ, & Mortificationis, recipit Amoris sinu, ac ce-
 dido Innocentiæ lacte pascit, implens illud Cant.
 v. 12. *Fasciculus Myrrha Dilectus meus mihi, inter
 mea commorabitur.* Denique ita sibi Christum Amorem
 obstringit, ut non minùs ab eo diligatur, quàm Frater
 aut Soror, aut Mater diligere soleat.

PUNCT. III. Considera, quid sit facere Volun-
 tatem Patris. Triplicem enim S. Paulus Volun-
 tem Patris memorat, cum ait Rom. 12. v. 2. *Noli
 conformari huic saeculo, sed reformamini in novitate
 vestri, ut probetis, quid sit Voluntas DEI bona, bene-
 cens, & perfecta.* Ille ergo facit Voluntatem Patris
 qui hanc triplicem Voluntatem implet: Nempe
 nam, cum Incipientibus servando omnia Præcepta
 Beneplacentem, cum Proficientibus sequendo Consi-
 & exercendo solidarum Virtutum actus. Et Per-
 etiam, cum Perfectis plenè se conformando Divinam
 Voluntati.

MEDITATIO CCLXXI

De Semine Verbi Divini.

Matth. 13. v. 1. Marc. 4. v. 1. Lucæ 8. à v. 4.

PUNCTUM I. *In illo die exiens JESVS de domo, sedens*

secus mare. Et congregatæ sunt ad eum turbae multæ, ita ut in naviculam ascendens, sederet: & omnis turba stabat in litore: & locutus est multa in parabolis, dicens: Ecce! exiit, qui seminat, seminare. Et dum seminat, quædam ceciderunt secus viam, & venerunt volucres cali, & comederunt ea. Matth. 13. v. 1. Hanc Christus primam statuit causam Verbi DEI sine fructu auditi, Apostolis suis seorsim explicans relata verba, & dicens: v. 19. Omnis, qui audit Verbum Regni, & non intelligit, venit malus, & rapit, quod seminatum est in corde ejus: hic est, qui secus viam seminatus est. Ut ergo Verbum DEI fructuose audiatur, vel legatur, illud intelligendum est; ut verò intelligatur, Meditatione expendendum est, & Lumen à DEO petendum; unde S. Jacobus in Ep. c. 1. v. 5. scribit: Si quis autem vestrum indiget Sapientiâ, postulet à DEO, qui dat omnibus affluenter. Cavendum verò, ne oculus intelligentiæ voluntariè ocludatur, sicut Ps. 35. v. 4. dicitur: Noluit intelligere, ut bene ageret. Vel ne falsis hujus mundi principijs excæcetur; unde quia his prorsus contraria erant hæc Christi verba Luc. 18. v. 32. Filius hominis tradetur Gentibus: & illuderetur, & flagellabitur, & conspuetur, & postquam flagellaverint, occident eum, & tertia die resurget: Mox de duodecim Discipulis subjungit Evangelista: Et ipsi nihil horum intellexerunt, & erat Verbum istud absconditum ab eis, & non intelligebant, quæ dicebantur. v. 34. Quando autem Verbum DEI non intelligitur, venit malus, & rapit, quod seminatum est in corde: inducendo in animum oblivionem, & vilipensionem illius.

PUNCT. II. Alia autem ceciderunt in petrosa, ubi non habuerunt terram multam, & continuo exorta sunt, quia non habebant altitudinem terræ. Sole autem exorto astuaverunt,

runt, & quia non habebant radicem, aruerunt. Matth. 13. v. 5. Hæc est altera causa, cur Verbum DEI sine fructu seminatum fit, quam Christus explicat his verbis: *Qui autem super petrosa seminatus est, hic est, qui Verbum audit, & continuo cum gaudio accipit illud: non habet autem in se radicem, sed est temporalis: facta autem tribulatione & persecutione propter Verbum, continuo scinditur & aridizatur.* v. 20. Itaque ut Verbum DEI radicem esse possit, profundè in animum immittendum est. Illud expendendo, rationibus, tanquam radicibus, arando, & contra occurrentes quascunque difficultates, tentationes, & respectus humanos præveniando, atque Oratione humectando: nam testatur Luca. c. 8. v. 6. *Natum aruit, quia non habebat radicem.*

PUNCT. III. *Alia autem ceciderunt in spinas, & ceciderunt spina, & suffocaverunt ea.* Matth. 13. v. 7. Hanc tertiam causam Christus ita declarat: *Qui autem seminatus est in spinis, hic est, qui Verbum audit, & sollicitus est in seculo istius, & fallacia divitiarum (addit S. Marcus c. 19. & circa reliqua concupiscentiæ, S. Lucas etiam voluptates vitæ adnectit. v. 14.) Suffocat verbum, & fructu efficitur.* Matth. v. 22. Considera, quàm res hæc omnia spinæ dicantur, quia animum acriter pungunt, & graviter vulnerant: acquiruntur enim divitiæ & voluptates cum solitudine, & labore, & acquisite percipiuntur cum inquietudine animi, remorsu Conscientiæ, quam gravium peccatorum lethalibus vulneribus fauciant. Hæc omnia per experientiam suam testatur Sapientissimus Ecclesiasticus c. 2. v. 1. *Dixi ego in corde meo: vadam & affluam delicias, & fruor bonis. Et vidi, quòd hæc quoque esset vanitas.*

*Supergressus sum opibus omnes, qui ante me fuerunt in Ierusalem: Sapientia quoque perseveravit mecum (scilicet Sapientia huius mundi, & rerum naturalium Scientia, indeque consequens fama, & æstimatio apud homines) Et omnia, quæ desideraverunt oculi mei, non negavi eis: nec prohibui cor meum, quin omni voluptate fruere-
tur, & oblectaret se in his, quæ preparaveram: & hanc ratus sum partem meam, si uterer labore meo. Cùmque me conver-
tisssem ad unã opera, quæ fecerant manus meæ, & ad labores, in quibus frustra sudaveram, vidi in omnibus vanitatem, & afflictionem animi, & nihil permanere sub Sole.
v. 9. Ideo etiam Christus divitias vocavit *Fallaciam divitiarum*, & voluptatibus addidit brevissimum terminum vitæ. Veræ enim Divitiæ sunt thesauri in Cælis, & vera Gaudia non sunt, nisi Æterna. Confide-
ra etiam, quomodo prædictæ spinæ semen suffocent, quia intellectum excæcant, voluntatem depravant, executionem boni Operis impediunt.*

MEDITATIO CCLXXII.

Continuatio eiusdem Argumenti.

PUNCTUM I. Considera infelicitatem eorum, apud quos semen Verbi Divini non fructificat. Illam indicat Christus his verbis: *Ideo in parabolis loquor eis: quia videntes non vident, & audientes non audiunt, neque intelligunt. Et adimpletur in eis Prophetia Isaiæ (c. 6. v. 9.)* *Auditu audietis, & non intelligetis: & videntes videbitis, & non videbitis. Inerassatum est enim cor populi huius, & auribus graviter audierunt, & oculos suos clauserunt: ne quando videant oculis, & auribus audiant, & corde in-*
I § telligant,